

Na osnovu člana 28. Zakona o vodama Federacije Bosne i Hercegovine ("Službene novine FBiH" broj 70/06) Agencija za vodno područje rijeke Save Sarajevo objavljuje

**RADNI PLAN I ROKOVI ZA PRIPREMU I USVAJANJE
PLANA UPRAVLJANJA VODAMA ZA
VODNO PODRUČJE RIJEKE SAVE U FEDERACIJI BIH (2022. – 2027.)**

Zakon o vodama Federacije Bosne i Hercegovine (ZOV FBiH), u dijelu pod nazivom UPRAVLJANJE VODAMA, koji obuhvata članove 21 - 43, definiše osnovne planske dokumente koje treba pripremiti, a odnosi se na Strategiju upravljanja vodama i planove upravljanja vodama na definisanim vodnim područjima.

Strategija upravljanja vodama u Federaciji BiH (2010.-2022.) je osnovni dokument koji određuje politiku upravljanja vodama, a planovi upravljanja vodama treba da osiguraju realizaciju ciljeva zacrtanih Strategijom.

U skladu sa članovima 29. i 156. Zakona o vodama Federacije BiH, Agencija za vodno područje Save Sarajevo (u daljem tekstu AVP Sava) priprema Plan upravljanja vodama za vodno područje rijeke Save u Federaciji BiH.

Plan upravljanja vodama za vodno područje rijeke Save u Federaciji BiH (2016.–2021.) je usvojen na 144. sjednici Vlade Federacije BiH održanoj 24.05.2018. godine, dok je Odluka o donošenju Plana broj 715/2018 objavljena u "Službenim novinama Federacije BiH", broj 44/18 od 06.06.2018. godine.

Plan upravljanja vodnim područjem za svako vodno područje izrađuje se prema članu 25. i 26. Zakona o vodama Federacije BiH.

Sadržaj Plana upravljanja vodnim područjem

1. Opći opis karakteristika vodnoga područja i to:
 - a) Za površinske vode:
 - karte položaja i granica vodnih tijela,
 - karte ekoregija i tipova površinskih voda u vodnome području,
 - oznaku referentnih uvjeta za tipove površinskih voda;
 - b) Za podzemne vode:
 - karte položaja i granica vodnih tijela podzemnih voda;
2. Sažeti prikaz svih značajnih pritisaka i utjecaja ljudske djelatnosti na stanje površinskih i podzemnih voda, uključujući:
 - procjenu zagađenja iz tačkastih izvora,
 - procjenu zagađenja iz rasutih izvora, uključujući i pregled korišćenja zemljišta,
 - procjenu pritisaka na kvantitativno stanje voda, uključujući i zahvatanje;
 - analizu ostalih utjecaja ljudskih djelatnosti na stanje voda;
3. Identifikaciju i karte zaštićenih područja;
4. Kartu mreže praćenja te prikaz rezultata programa praćenja kojim se prati stanje:
 - površinskih voda (ekološko i kemijsko),
 - podzemnih voda (hemijsko i kvantitativno),
 - zaštićenih područja;
5. Ciljeve upravljanja vodama, a naročito:

- ciljeve za postizanje dobrog stanja i ekološkoga potencijala vodnih tijela,
 - ciljeve u vezi s uređenjem voda i zaštite od štetna djelovanja voda,
 - ciljeve za održivo korištenje voda,
 - rokove za postizanje navedenih ciljeva;
6. Pregled ekonomskih analiza korištenja voda;
 7. Prikaz programa mjera, uključujući i načine za dostizanje ciljeva iz tačke 5. stava 2. ovoga člana i to:
 - sažeti prikaz mjera za zaštitu voda,
 - izvještaj o praktičnim koracima i mjerama preduzetim radi primjene načela povrata troškova korištenja voda,
 - pregled mjera preduzetih radi uspostave praćenja svih izvorišta koja se koriste ili se planiraju koristiti za javno vodosnabdijevanje čija je izdašnost veća od 100 m³/dan,
 - sažeti prikaz kontrole zahvatanja i akumuliranja vode, uključujući i pregled registara i navođenje slučajeva u kojima su načinjeni izuzeci,
 - sažeti prikaz izvršenih kontrola za tačkaste ispuste i drugih djelatnosti koje utiču na stanje voda,
 - navođenje slučajeva u kojima je dopušteno direktno ispuštanje u podzemne vode,
 - pregled mjera preduzetih za sprječavanje zagađenja voda u vezi s prioriternim materijama,
 - pregled mjera preduzetih radi sprječavanja ili smanjenja uticaja akcidentnih zagađenja,
 - pregled mjera preduzetih za vodna tijela za koja je upitno dostizanje ciljeva iz tačke 5. stava 2. ovoga člana,
 - detaljni prikaz dopunskih mjera za kojima se ukazala potreba radi postizanja postavljenih ciljeva iz tačke 5. stava 2. ovoga člana,
 - detaljni prikaz mjera radi sprječavanja zagađenja mora,
 - procjenu potrebnih sredstava za provođenje programa mjera kao i utvrđivanje načina osiguranja tih sredstava;
 8. Pregled svih detaljnijih programa i planova upravljanja vodama što se odnose na određene riječne bazene, podbazene, sektorske planove, probleme ili tipove voda, zajedno s pregledom njihovih sadržaja;
 9. Izvještaj koji obuhvata opis aktivnosti i rezultata učešća javnosti u postupku izrade plana;
 10. Listu institucija i način dobivanja dokumenata na osnovu kojih je izrađen plan;
 11. Pregled međunarodnih obveza koje je preuzela Bosna i Hercegovina, koje se odnose na upravljanje vodama te način njihovog izvršavanja.

Izmjena i dopuna plana upravljanja vodama, osim prethodno navedenog, sadrži i:

1. pregled svih promjena ili dopuna plana od dana njegovog stupanja na snagu,
2. ocjenu stepena dostignutih ciljeva,
3. pregled mjera koje su bile predviđene u prethodnom planu a nisu realizovane, s navođenjem razloga nerealizacije,
4. pregled mjera koje nisu bile predviđene u prethodnom planu a realizovane su radi postizanja ciljeva.

Sastavni dio Plana upravljanja je i Program mjera. Program mjera sadrži osnovne mjere potrebne za postizanje ciljeva u vezi sa zaštitom voda, uređenjem voda i zaštitom od štetnog djelovanja voda i korištenjem voda. Osnovne mjere definisane su prema članu 26. Zakona o vodama Federacije BiH.

Program mjera može sadržavati i dopunske mjere, ako su potrebne za postizanje dobrog stanja voda.

VREMENSKI RASPORED PRIPREME I USVAJANJA PLANA UPRAVLJANJA VODAMA ZA VODNO PODRUČJE RIJEKE SAVE U FEDERACIJI BIH (2022. – 2027.)

Plan upravljanja vodama za vodno područje rijeke Save u Federaciji BiH 2022.–2027. (PUVPRS 2022.-2027.) će se u nacrtu učiniti dostupnim javnosti, tako što će se na web stranici Agencije za vodno područje rijeke Save:

1. Objaviti radni plan za izradu PUVPRS 2022.-2027., najmanje 3 godine prije početka razdoblja na koje se Plan odnosi,
2. Objaviti dokument „Značajna pitanja upravljanja vodama“, najmanje 2 godine prije početka razdoblja na koje se Plan odnosi,
3. Objaviti nacrt PUVPRS 2022.-2027. najmanje godinu dana prije početka razdoblja na koje se Plan odnosi.

Na pisani zahtjev pojedinih pravnih i fizičkih osoba odobrit će im se uvid u prapatnu dokumentaciju i informacije korištene u izradi nacrta PUVPRS 2022.-2027., a najmanje 6 mjeseci će se osigurati za dostavu pisanih primjedbi.

O nacrtu PUVPRS 2022.-2027. Agencija će upoznati i Savjetodavno vijeće, koje je uspostavljeno u skladu sa članom 164. Zakona o vodama Federacije BiH, kao i kantone, gradove i općine, te nadležne institucije za izradu planova upravljanja za isto vodno područje iz Republike Srpske i Distrikta Brčko.

Tokom pripreme PUVPRS 2022.-2027. kojeg Agencija planira dovršiti do kraja 2021. godine, izradiće se sljedeći dokumenti:

1. Radni plan izrade PUVPRS 2022.-2027., s vremenskim rasporedom i programom rada, koji uključuje njegov sadržaj i program konsultovanja javnosti,
2. Dokument „Značajna pitanja upravljanja vodama“,
3. Karakterizacijski izvještaj,
4. Nacrt PUVPRS 2022.-2027.,
5. Strategijska procjena okoliša za PUVPRS 2022.-2027.,
6. Plan upravljanja vodama za vodno područje rijeke Save u Federaciji BiH (2022.-2027.)

U narednoj tabeli je dat dinamički prikaz aktivnosti za pripremu i usvajanje Plana upravljanja vodama za vodno područje rijeke Save u Federaciji BiH (2022.-2027.).

AKTIVNOSTI	ROK
1. Objavljivanje radnog plana za pripremu i usvajanje Plana upravljanja vodama za vodno područje rijeke Save u Federaciji BiH (2022.-2027.)	01/2019
2. Objava dokumenta Značajna pitanja upravljanja vodama	01/2020

3. Krajnji rok za dostavu pisanih prijedloga i mišljenja o značajnim pitanjima upravljanja vodama	04/2020
4. Završetak Karakterizacijskog izvještaja	04/2020
5. Početak aktivnosti na izradi Strategijske procjene okoliša za PUVPRS 2022.-2027.	10/2020
6. Objava Nacrta Plana 2022.-2027. i početak procesa konsultovanja javnosti	12/2020
7. Objava dokumenta Strategijske procjene okoliša	03/2021
8. Javna rasprava i krajnji rok za dostavljanje primjedbi na Plan i Strategijsku procjenu okoliša	06/2021
9. Izrada Prijedloga Plana 2022.-2027. i Strategijske procjene okoliša	09/2021
10. Usvajanje Plana 2022.-2027.	12/2021